

四庫全書

集部

欽定四庫全書

集部
精華錄卷三
四

詳校官侍讀學士臣陸伯焜

助教臣常循覆勛

總校官進士臣朱 銓

校對官學正臣翁樹棠

謄錄監生臣朱 坤

欽定四庫全書

精華錄卷三

刑部尚書王士禎撰

古體詩

眉州謁三蘇公祠

墓頤山色腴不枯
玻瓈江水如醍醐
眉州城郭劫灰後
水塍漠漠成榛蕪
郵亭下馬詢老卒
蘇公故第城西隅
旋來束帶薦蘋藻
辰良何必煩神巫
往者此地鐵腳亂

順治初有賊據
眉號戰脚蠻

高門大宅皆焚如此祠歸然誰所作惟

公大節驚頑愚雙柏輪囷溜霜雨廷立冠劍古丈夫長

公遺像龍眠筆馬券剝落涪翁書

祠有石刻龍眠畫東坡像頽濱贊又坡書

玉鼻驛券山谷有跋

殘碑挿笏尚林立紫藤碧蘚纏龜趺祠西一

水最蕭瑟經霜齒苒猶扶踈甘蕉十丈覆簷雷落花亂

迸紅珊瑚當年結構不草草要令咫尺成江湖故園如

此不歸老與人家國徒區區瓊儋雷藤歷九死口甘熏

鼠隨猿狙頭網八餅有何意枕榔萬里非吾廬兩公神

靈未磨滅應翳白鳳遊清都遊戲下界亦聊爾鯤鵬豈必

捨枋榆眉州玻瓈天馬駒

陸務觀詩句玻瓈春眉州酒名

酹公三酹公歸乎

登高望山絕頂望峨眉三江作歌

四海復四海九州還九州河伯海若更相笑螭蛄何足知春秋今年辭

帝蓬萊宮乘風偶作西南遊中條姑射不足數失喜太華揚高梳河潼遠圻巨靈跼鉤梯百丈臨龍湫終南太白幻雲物秦棧詰曲哀猿愁錦城小住五十日岷山秀色

垂簾鈎青城玉壘尻首接灌口屈注雙江流興極欲
蹋大峨脊卻騎瘦馬來龍游嘉州罨畫枕江上孤峯
縹緲東南浮神霄玉清有遺跡登臨可以消煩憂蹋
泥盤盤到絕頂江山披豁開雙眸峯巒八面簇金碧
下瞰江海如浮漚八十四盤在衣帶氣凌五嶽驕公
侯暮雲早雪忽明滅兜羅綿現無時休岷江從東來
奔騰迴萬牛沫水滙青衣簸蕩千斛舟三江九峯條
然合丹崖翠嶂窮雕鏤江山竒麗冠天下何意絕景來

蠻陬天風蓬勃日西墜搔首欲去仍淹留荆吳萬里自
茲始來朝起施尋巴邱

叙州流盃池瀘州使君巖皆山谷先生舊遊都不
及訪悵然賦此

憶昨登凌雲江邊蹋亂石興劇罷鞍馬逍遙散輕策徑
危草露多處處見虎跡東林雨新霽初日射青壁浩蕩
三江流安穩平如席西笑揖峨眉遙連雪山白酒酣掛
帆去矯若生羽翮心知流盃池遺跡在巴夔俗物敗人

意交臂輕一擲今日使君巖南望還咫尺通詞託微波
蹇修空脈脈平生一瓣香敢為涪翁惜如何萬里遊虛
此幾兩屐迴首望南雲蠻江日將夕

西涼神祠曲

在合江縣符堅時呂光討李馬之亂至此土人祠之陸務觀謁祠詩我雖

不識神知是山水人不敢持笏來祖
謁整幅巾似未詳本末賦詩正之

長安氏王頭有角東掃鄴宮西定蜀西域校尉婆樓兒
勒銘直到岷山腹功成振旅咸陽中萬里玉門旌旆紅
三十六國拜都護酒酣作賦龜茲宮甲乙讖成符氏滅

魚羊食人日流血黑龍晝起姑臧城坐制三河亦人傑
少岷山下岷江流西涼廟貌凌高秋山頭龍出作雲雨
神靈雜沓風颭烟消雨散渺何許靈欲歸兮憺容與
船旗獵獵西北斜落日陰房竄蒼鼠

岑公洞

岑公昔學道遺跡空山中洞門界飛流白日生雷風石
髓無古今鍾乳盡玲瓏巖泉日穿穴點滴成窪窪中央
若累棋狡獪造化功頽竈倚青壁中夜丹砂紅騰彼遺

世翁於今悟參同壁間題字人歲月何息息巨碑亦笏
立文詞競豪雄中間峯襄州頗擅語句工豈其南陽裔
源流故難窮此洞與魯池望望江流通昔是仙靈宅今
為豺虎叢太息下山麓風健孤帆東

元符間峯巖起象
求虛鑒真人贊一

碑李廌文叔所書峯洞
魯池今皆為侯家所有

登蝦蟆碚

黃牛打鼓朝發船碧波白鳥爭清妍回首名山大川閣
烏尾已捩西陵煙三峽欲盡尚迤邐云十二碚紛鈎連

頗聞中有第四泉，康王谷水差隨肩。峽窮砢轉詫奇事，
忽見飛瀑流琤潺。爬沙終古此巖側，青冥無路誰黃緣。
江風吹笠冷毛髮，峽雲挾雨鳴船舷。大索瓶盞貯飛雪，
旋去屐齒窮危巔。橫斜拾級一徑上，藤梢橘刺相糾纏。
皴皴槎牙澀苔蘚，清泉百道爭涓涓。涓陰洞終古，閱白日
神灑噴薄鍾乳堅。石壁麤惡艱礮錯，題名豈辨唐宋年。
永叔涪翁詩不滅，誰為好事重鉅鐫。名山蒙頂壓，顧渚

蒙山茶出

蜀名山縣 春芽開裹勞烹煎

山谷詩 巴人漫說蝦蟆

砢試裹春芽來就煎 下

巖轉舵未忍去下牢關外斜陽懸

昌黎詩爬沙脚穿
誰使汝解緣青冥

欲訪三遊洞不果

舟下十二碛西陵遙在目江雲峽口多碛轉猶千曲悵
望三遊洞靈異非一族石鐘卧蒼蘚唐碣迷深竹緬懷
長慶人一往遂不復斜日下牢谿依依為誰綠

潁亭

青山圍潁亭下有清潁流石瀨何淺淺力始勝方舟金
沙映素儵策策千萬頭斜日照冰雪微風矯輕鷗側身

望終古企彼巢與由糠粃鑄堯舜心與造物遊不逢掛
瓢人北指軒轅邱

廣武山

朝登廣武山四望古戰場黃河決滌流寒日無晶光孤
獸索其羣驚鳥亂無行平沙轉飛藿白骨堆嚴霜昔者
英雄人於此分霸王強弱理無恒得失爭教倉名騅蹶
陰陵萬乘入咸陽東指芒碭雲五色成龍章大風沛上
來遊子悲故鄉

新鄉望蘇門山懷孫鍾元先生

朝來衛河上遙見蘇門山蒼翠雜諸嶺清涼分百泉
緬懷松舟趣長詠竹竿篇及茲限跬步擊汰失黃緣
遙憶嘯臺翁山中方晏眠兒孫繞膝下洞壑當門前
茶白隱脩竹蓮舟隨稻田少年任豪俠白首此終焉
無由逐高鳥矯翮青冥邊

徐五兄自號嵇菴

我慕阮步兵君學嵇中散平生竹林期鳧鶴誰長短
君

抱出世姿夙昔薄軒冕彈琴聊自足採藥忽忘返且復
龍性馴兼之養生善嗟哉僞傷道斯語君知免獨應七
不堪彷彿嵇生懶我本澹蕩人早歲頗任誕一聞如鸞
嘯自顧為人淺廿年嬰世網歲月坐晼晚往往逢途窮
痛哭迴車阪深慙至慎言薄俗誰青眼永懷素心侶詎
異平生撰空傳周僕射遠欲希嵇阮

江正鹿角膠墨

梅淵公所寄

深山五月中鹿角暖初蛻取作黃明膠良工妙調劑黃

海松萬株壽者幾千歲古屋收輕烟萬杵功不細易水
渺已遠潘張復誰繼歛州有江正妙絕擅斯製故人鹿
裘翁愛我一丸惠老無逾糜賜研田蕪不雜晴牕手摩
挲風日忽開霽袖中官奴帖飛動苦難逮牙滑剡溪藤
熟視空睥睨啜汁亦復佳為君掃文字

戴嵩牛圖

一川莎草烟濛濛曉來雨過開牛宮三尺短筍兩轂鯨
干陰掉尾嬉涼風一頭摩角一頭齧寢訛有態何其工

江干笛材老烟竹橫吹髣髴穿林叢絹素慘澹神理在
是耶非耶傳戴嵩田家風物宛在眼但有耕作亡兵戎
我行峨下踰萬里青衣江上平羌東翠藤紅樹亂烟雨
風景略與圖中同一從羽書急滇海甌粵秦楚交傳烽
益部迢遙隔天未舊遊有夢尋巴賈旄牛徼外阻王會
萬蹄驕馬高纏駿千村萬落長荆棘何時金甲銷春農
童牛不牯可三歎卷圖風雨來長松

用東坡先生清虛堂韻送黃無菴僉事歸甘肅兼

寄許天玉

金城烽火連瓜沙榆林盜賊趨彭衙三秦昨夜捷書至
關門百丈開蓮花甌閩格鬪尚未已天南望斷今無家
登隴嘶羣怯班馬及關接翅隨昏鴉甘州官舍幸少事
譯經往往紛天葩河西番帳盡外徙何妨羊酪煎春茶
許生潦倒作秦贅岑牟單絞漁陽槌竹林諸賢久雨散
我亦蟣蝨勞搔爬何時九州絕豺虎吾徒一笑忘咨嗟
小戎賦罷意慷慨瓦亭西北紛虹霞

二君俱閩人
黃精禪理

同李湘北陳子端二學士葉子吉侍讀登慈仁寺

閣再用清虛堂韻

化人閱世恒河沙老松攫地龍衙衙盤空閣道下無地
妙香似有陀羅花吾衰作客不稱意每逢望遠疑還家
三闕寥落數行雁雙闕霏微千點鴉翰林三君負公望
高文大冊流滂葩惜我旅病色枯槁頭網屢許分官茶
兵車麟麟指荆楚門外蕭蕭多馬馱從來決勝在廊廟
詎有羣盜頰梳爬書生手無五尺筵中宵倚柱徒咨嗟

罪言欲吐更指口遙山雨脚低殘霞

通州水月菴三用清虛堂韻

鳧翁三五嬉晴沙殘僧閉關如退衙黃蘆苦竹隱缺岸
水莢往往飄殘花濠濮會心豈在遠便可泛宅仍浮家
水關上接鮑邱水伯珪戰地啼寒鴉卓老一杯沒荆棘
誰憐文采兼奇葩古人於此兩寂寞高枕且聽風鑪茶
漕河如林萬檣立負城時送迴颿搨彷彿扁舟落吾手
背癢欲倩烏瓜爬病鶴觸籠翅翎短老隨雞鷺吁可嗟

安得十洲縱汗漫排空一氣凌雲霞

與曹升六舍人食鱉

海上有蝘蚘力可制於菟縱橫凌風潮一殼能專車失
勢稻芒候八跪充庖廚津門連渤海珍錯首蟹胥誰遣
三十輩束縛就寒蒲磊落堆盤中香味宜葵菹易酒碧
玉色無錢亦須沽與君對持螯風味思江湖野人厭藜
苋腸饑鳴轆轤今朝食指動襟袖霑膏腴酒船數帆健
絕勝三日醑寄謝虞嘯父未須誇鱈魚

和沈石田鈞弋夫人歌

漢宮窈窕千峨眉春華未謝秋風吹落葉哀蟬明怨惜
複道佳人葬桐柏一朝望氣來河間玉鈞乍啟迴天顏
朝侍宸遊陪豹尾暮歸別館幸甘泉容華未老君恩歇
西弄迴頭成決絕雲陽南去女陵旁怨粉零香水嗚咽
漢家競說貳師功衛霍勲名甲第同青史祇令憐趙父
茂陵烟草亦連空

五君詠

劉考功公戡

劉生慕節俠杜陵一男子從軍驟騎幕長嘯蘇門裏萬
金輕鴻毛妻子如脫屣少日魯朱家為官偶然耳

施少參尚白

宛陵實盛德卓犖為真儒馳情慕周孔抗志希黃虞作
為一家言頗綜七畧書從政三十載屢空方晏如

汪戶部茗文

右司固簡傲狂狷乃其真邈然望終古豈顧世上人軒

冕詎足貴雲壑心所親著書洞庭上寥寥誰問津

梁侍御日緝

陽夏善閉關性不因人熱偶然騎驄馬非意固不屑一
歸嵩陽寺邈與世相絕作佛固未能蕭然自禪悅

董侍御玉虬

易農不羈士爽朗多所遺脫畧梁竇勢放浪班馬詞一
迴秦州駕高卧荆谿湄文園自消渴猶聘茂陵姬

雪中送酒與東癡二首

清晨起盥漱開戶聞騷屑風微竹烟淡雪重松枝折
併水寒屢凝醯香散還結忽念東臯子孤懷抱冰雪

東臯未三里潢水凡幾曲風雪掩荒蹊往來斷樵牧
先生高卧處柴門翳苦竹雪深門未開村雞鳴喬木日
高炊烟絕吟聲出茅屋欲寄一瓢酒聊以慰幽獨天晴
儻來過就我西齋宿

朱壁揭鉢圖歌

方寸水精鉢中有寧馨兒崔巍青蓮座上有人天師一

人窈窕美且頎迴風髣髴捎雲旗作使羣鬼無不為神
姦萬億連尻睢震電煜煜雷車馳修羅刀鼻雨不訾飛
龍銜銜勢躩踞前有饑蚊後肥遺或騎朱虎驂文狸猱
猱駛罕駟吾夔蹄者角者毛而矜矜銅弩蹶張齊發機彤
弓旅矢射麗龜齧齧伐鼓聲振悲師子之鎗劔鈹鉞懸
幢度索上騎危牙齒棧齧肩隱頤左擔雞足移須彌威
容廣大調御姿不聞不見坐若尸天花青紺下葳蕤山
鬼邪揄不得施授女五戒跪涕洟豈悟前因羯肌夷賓

伽解脫母性慈山河墨點無瘡痍顧陸不作作者誰崑
山朱壁能繼之絹素豎暈丹粉漓神彩浮動窮毫釐城
北徐公虎頭癡三日不食坐茅茨抱持此卷忘朝饑大
雪叩門索我詩開卷一引千留犁呵冰灸硯為此詞十
指皸瘃兩肘胝杜陵老叟不可追金粟神妙徒嗟咨

雪中登黃山

空齋蹋壁卧忽夢溪山好朝騎禿尾驢來尋雪中道石
壁引孤松長空沒飛鳥不見遠山橫寒烟起林杪

張友石戶部得雷氏琴

枯木向千載中有太古音君子重拂拭寄此山水心
閒庭何蕭條苔色上衣襟壚烟方斷續房櫳杳森沉
遙懷託散暢古調刪哇淫良以辨廉志詎必徽黃金
相賞在松石蕭然風滿林

贈葉井叔三首

別業在樊口門前臨大洄樊水渺東逝大江從北來
蒼翠對吳峴崢嶸臨釣臺紫髯信已矣山川鬱佳哉
蕭條

聳叟居門徑餘蒼苔隱跡既蕪沒霸業隨飛灰唯傳退
谷銘流風激蒿萊君詩似聳叟令我懷抱開豈忘樊上
居出處理亦諧江湖就魚麥日夕增徘徊

作吏客伊洛門對嵩高山山色映終古客心長自閒朝
看飛鳥沒夕對孤雲還聞昔王子喬吹笙碧落間揮手
駕白鶴一往三千年至今緱山上逸響凌紫烟夫君有
仙骨雲駕如可攀遊目憇嵐嶺躡足升天關盧巖瀑布
佳百丈聞琤潺懸流濺冬雪密樾生夏寒何當蠟屐來

與君蹋飛湍

樊口去荆江雲濤渺千里估客日上下清風片帆耳五
溪有傳烽飲馬洞庭水鈴旂雲夢多悲笳渚宮起南岳
無迴雁江介多封豕如聞樊上居風土異南紀雞犬白
雲中桑柘寒烟裏理亂不復聞漁釣信為美扁舟倘知
津道遙問園綺

展子虔高歡歸晉陽圖

已下二首為宋
牧仲比部題

黃河浩蕩流三城龍門底柱禹所營巨舟峨峨掉尾鯨

乘風破浪來崢嶸身臨河魁賀六渾虬鬚虎視真天人
紅妝執樂一千指玉貌錦衣充下陳黃頭鮮卑一何銳
怒如飲飛軒猛氣露車載酒非狂生復有教習好兄弟
當年霸府氣如虹洛陽三月珍珠紅韓陵片石紀元功
晚逢黑獺非籠東熒惑一朝犯南斗下殿真成人闕走
傷心渭水日東流鸚鵡跣跣實戎首展生何年寫此圖
丹青橫絕絕代無想見捩頭網惡馬如此老公豈人下

周禮網

惡馬

沈周秋林讀書圖

白露變丹葉楓林颯高寒青山出白雲巖壑增孱顏何
人坐林中長日頽巾冠堯舜禹武湯如櫛羅簡編最愛
青牛翁至哉五千言山風日蕭條楓葉墮我前瀑布擎
蛟龍赴谷為奔川川上小石磯磯頭插綸竿卷書即垂
釣得意遂忘筌我本山中人見此心依然何當及秋風
歸翦茅三間

移竹戲題

齋居飽藜藿兼旬食無肉昨從季主卜筮得蒼筤竹入
世二十年磬折仍負俗愛君霜雪姿磊砢多節目秋雨
日瀟瀟卧起篔簹谷露下更婆娑官奴試難燭

勾龍奕蠟屐圖為牧仲題

磊磊白石瀨落落松竹林林下彼何人蕭灑古冠巾手
中自蠟屐神氣何閒暢人生百年中著此當幾兩晉人
故多癖此癖復自佳錢奴身障麕優劣何有哉兒子竟
辨賊入戶屐齒折寧憶剡中時長靴泛溟渤兩人持高

履三人持衣裾作佛靈運後習氣那復除奇哉勾龍生
有此通靈筆把臂方入林欲呼阮遥集

題秦留仙然竹集卻寄

小孤山下江水白聞君去作潯陽客大別山前江漢清
憶君重過武昌城荆鄂相望纔幾驛憐君來去隨潮汐
盤中縷膾武昌魚座中人物荊州鯽亦識王門懶曳裾
參卿軍事復何如早將表餌摧強敵莫為窮愁且著書

送徐武令

人生如飛蓬飄轉不得住與君十載別紫髯已非故
邂逅蔓草間為君歌零露歌聲未及已離觴忽復御
蘇蘇江上波離離海門樹悵望秋風時客帆此中去
雁飛京口驛潮落西興渡幾日罷清砧閨中理紈素

詎菴學士移居

故人長安居門巷碧苔色徑僻少人過空庭唯鳥跡
長思茂陵卧未厭承明直仕宦本易農胡為方食力
圖書盈五車茅茨唯四壁室聞原憲誦家鮮公儀織
晨夕隔

望衡徘徊坐成憶

唐寅紈扇圖

倥倥辭輦後無復承恩宴
綠草萋廣庭流塵掩華殿
幽懷寄搗素密意題紈扇
淒涼柘館閉繾綣昭陽讌
運往恩潛移常虞委霜霰
太息木門謠含情望飛燕

聽張晴峯員外彈琴

愛君園林好花藥幽蒙茸
淶池澹將夕蘋末來清風
美人惜流景目送孤飛鴻
何以寫我心清響寄絲桐
班姬

淚秋殿箕子傷離宮瀟湘渺雲水星月寒魚龍誰知園
客絲窅默含無窮屈茨間瑩篔簹繁音令人聾希聲愛遙
夜思盡神相通卷簾滅明燭月上聞秋蟲

和吳孟舉種菜

丈夫志四海隻手提天網不然折尺筆為國答戎羌胡
為坐襲手學圃航滄浪澤國春雨餘溪流碧泱泱戴笠
日荷鋤土膏發勾芒曉露劑白苧夕照分紅薑葵韭齷
蓼蘇紛葩各成行齷齷斑竹笋勢欲凌蒼筤劓登寒具

筵糝用鹽豉香野人食不鑿晨炊拏黃粱詎諳七菹妙
聊喜四體強便腹何貴人日羞大官羊不解出一奇嗟
嗟耗太倉鮭菜二十七風味輸庾郎倘許充園官待我
相攜將

題王文安公畫

在昔孟津公詆嘲頗慢世結習稱畫師往往得三昧山
路緣秋毫上與青冥際孤舟泊風荻邛閣懸水碓此境
何蘄絕略與秦棧似忽憶大散關巴馬金纏轡

東城泛舟

秋氣軫楚悲商颺感梁賦河橋一騁望葉下亭臯樹叢
雁入雲飛沙禽背船去暮節入羈懷誰能鬢不素

仇英畫九成宮圖

唐九成宮即隋仁壽宮

君不見隋皇初作仁壽宮累榭穹臺宛相屬夷山堙塹
幾百里役卒崩騰死崖谷功成厭見獨孤公不知怨自
封郎築宮車晚出凡幾載已見迷樓起相續虬髯真人
西入關削平六合營長安青山碧水自無恙雕牆峻宇

猶人間年年清暑備法駕千乘萬騎驥孱顏醴泉漢出
如沆瀣下入涇渭為通川步欄周流鑿山翠雲窓霧閣
當空懸化人之臺屹中天銅鳥六月雄風寒披襟萬仞
待飈馭咸陽宮闕如雲烟宮娃笑語翠微上阿監絡繹
青冥邊羽林千牛萬萬輩解牛放馬紛華旃從來世事
有倚伏太平倏過開元年白頭拾遺此駐馬愁聞林藪
啼哀猿畫圖想見全盛日令我涕淚雙闌干

腳痛

去年牙齒豁一痛連鸛車今年腰脚痛登降須人扶吾
年纔四十早衰信有諸憶昔登金焦南遊窮具區騰越
如飛猱神尻駕空虛西行極岷峨奇觀凌清都兩脚輕
孱顏邛杖非吾須十載一彈指肉緩筋亦駕况復苦蹠
盤舉步多崎嶇始悟咸其腓初九利安居既不策捷足
安用悲泥塗誰能相比附如彼屨與驢

題昌黎詩後

淮陰舉足分項劉運籌帷鄩與留河汾門下羅將相

房杜李魏非常儔西京功業繼三代貞觀仁義被九州
惜哉韓公不及此但取將相酬恩讐

北山約遊摩訶菴不果往卻寄

天色欲雨鳩勃礮麥苗剌剌翠始齊白石莊前入山徑
已有犂确紛高低春湖靴紋漾絳縹遠山玉立森角圭
荷蓑鬢鬢驅繭粟垂竿拍拍驚鳧鷖漁陽地寒花事晚
春陰風氣恒慘悽今朝乍霽日暄暖垂楊蘸水新生梯
小桃點點杏苞拆裙腰草綠紛萋萋諸公躡青拂晨出

果下銜尾聞驕嘶郎官頭白老簿領經年坐困如醯雞
自嗟樊雉苦籠絛決起安得排雲霓况逢寒食催上冢
紙錢麥飯澆棠梨感念存歿淚雙迸玉壺那復相提攜
賦詩望遠但吐吐遊心已過香山西

曹升六謝千仞攜酒過飲宋牧仲張杞園亦至同

賦長句二首

陵州羅酒玉雪清青州金露琥珀頰直沽冰開酒船到
屬車捆載連瓶罌二子提挈肯過我鳴夷交卧紛縱橫

我愛徐景山不知曹事惟酒鎗復愛謝安西玩弄元子
如老兵眼中況是我輩客談天灸轂聲彭觥一斗枯腸
芒角生五斗胷中鱗甲平一石曠若遊八極逍遙齊物
無虧成幽州二月草始萌小桃照地如紅鞞天涯酒人
不易得何必琴筑琵琶第十擲輒捷詎緣拙三語作掾
誰所令蠟炬成堆冠憤墮西南月作金盃傾

昔聞馬文淵居後欲軒前欲輕又聞藥將軍賤負辱身
貴快意此語非長者亦復非游戲勁翻扶搖九萬里豈

識青冥更垂翅鳶肩火色多少年一老行吟獨憔悴惟
應中山釀供我千日醉馱馱為馘駝作羹有酒如澠那
復記千秋亭上相叫呼不知何與癡人事大夫不得手
執丈二及身領漁陽萬突騎親射蠻羶縛鬼章誰識鄧
先好奇計此酒須滿百斛船使我反覆沒飲如渴驥子
路百榼堯千鍾黃土誰能別愚智諸君不酬閣當閉舉
解徑須煩杜普

宣和打馬圖

前馬奔馳後馬逐萬馬奔騰隘川陸初看逐隊來玉門
又見爭先度函谷虎胷彗尾骨權奇千里追風競齊足
傳聞天馬是星精豈與凡材同碌碌扼窩據險一敵萬
倒行逆施歛馳突漫言稱德不稱力徑籟浮雲何太速
得意橫行彼一時詎少鹽車太行麓散函晡秣朝飛龍
咫尺君門上天育那知高步易顛蹶夾漈一朝遭困辱
莫誇棗脯與文繡世事由來有翻覆直須十丈的顛飛
待向黃池更敲玉

秦鏡詞為素松籬作

熒熒古鏡雙盤龍流傳本出咸陽宮秦時明月至今在
剝落泥沙露光彩當年秦并六國時後宮閉置千雙眉
守宮注臂鏡照膽三十六年君不知華陰道上逢山鬼
輜輦東來祖龍死美人鐘鼓散如烟此鏡蒼涼閱朝市
憶昔大收天下兵十二金人初鑄成還令餘事作奩鑑
太乙下視蛟龍驚劉興羸蹶何倉卒金鑑千秋如一髮
秦鏡虛誇照膽寒不照長城多白骨

漢祖入咸陽宮得
方鏡廣四尺九寸

照見五藏見

西京雜記

與董蒼水彭駿孫小飲葉子吉學士齋同限箇字

寄諸乾一進士

長安風塵日堀堦扇障不能衣苦澆天官昨占月離畢
十日愁霖足高卧高車大馬諸貴人今雨蕭條誰肯過
玉峯學士數相見打門不辭泥沒髀今朝置酒招我飲
黃雀披綿蜻鮓對百盃以後呼酪奴白絹斜封朱印破
天下健者令董公富貴浮雲輕涕唾彭郎未奉一囊粟

路鬼挪揄甘凍餓抱膝誰信比管樂高論依然遡卿軻
世情但競牢石耶女子猶知伯休那酒酣岸憤忽大笑
吾曹蠶絲自纏裹青山一髮江南路雨笠烟蓑有幾箇
細林主人老耽隱枕上九峯青錯磨漁樵近局不爭席
復有名僧伴高座空山水流花又開不識都門送臨賀
我生未覩細林面聞君快語殊已瘳
已瘳見
山海經當年我作
萬里遊劔閣西風聽鈴馱凌雲九峯悔輕別筋駕肉緩
四體惰他年但乞五湖長纜話蓴鱸口先哆未須木石

笑吳兒小海歌成我當和

張晴峯員外園亭聽金山人彈琴同詠菴學士北

山都諫作

平生慕古澹頗笑箏笛耳愛此太古音寥寥寄絃指客
來江海上偶契希夷旨髣髴七里灘松風入江水曲罷
孤月明溪光散清泚主客一無言露坐攬衣起

送浦潛夫

吳江有高士讀書慕皇羲心遠契一畫意得無九師撻

策筮嘉遊遂養邱園姿荒江屋歛斜鷗鳥同朝饑在昔
洪丞相經畧天南陸君佐幕中畫倣復權奇試吏獄
麓下蒲鞭懸不施丞相解兵柄角巾東第歸君亦困株
木周道多疾藜投賦汨羅岸弔古湘妃祠歸吳二十載
飄蕭雙鬢絲丞相宰木拱部曲無復遺重來渡易水感
激酬恩私慟哭龍驤塋手刊第二碑袖中周易編未有
君平知徒步過市中塵染蒼浪髭湖南方用兵馬飲瀟
湘湄辱在卿大夫脩劔空拄頤老子好奇計才鋒尚如

錐無人為薦，達垂老嗟數奇。古王者行師必饋九州龜，君書寔有用，足為王伯資。秋風動鱗甲，扁舟犯漣漪。白首抱遺經，具區卧茅茨。季主定捧腹，高賢當為誰。

羅塞翁猿圖

栗葉初黃，山水渾引臂。叫嘯來羣猿，緣條附蔓下絕壁。連尻結股爭攀援，老猿下視獨招手。羣猿跳擲騰且奔，可憐猿子亦大黠。襁負母背如乘軒，黑者玄衣白玉雪。下飲百丈臨龕淪，齧斷嘍咋生趣備。丹青漫漶神明存。

品題云是塞翁筆江東詩法傳清門我疑或是易元吉
景靈畫壁昔所尊余鏗韓性競短詠天姥五字雙眉掀
吟詩翫畫輒移晷坐屏寒具忘朝飧忽憶元和柳司馬
投荒始解憎王孫

文姬歸漢圖

宋南渡祇候
司張某畫

大漠茫茫沙草枯天蓋四野如穹廬陰山秋高雪片麤
朔風中人金僕鏗高飛鵑轉追韓盧前行一馬建隼旗
後有數馬鳴相呼尾鬣蜷縮慘不舒馬蹄流血冰裂膚

蕃兒漢兒手口瘡相顧不能鼓嚨胡文姬玉面貂襜褕
聳肩鬢黛愁不娛越燕向日思南徂君獨何為苦嗟吁
兜離窈停非故都魂消影絕悲兩雛歸來為公寫遺書
名在列女丹青俱老瞞睨鼎目睚眦破壁牽后如收弩
獨能千金歸蔡妹吁嗟高義今已無

荅徐勝力二首

雁門太守解食雁豈識涼州皇甫規王符到門倏驚起
徒履出戶倒裳衣折揚皇琴萬夫和清廟朱絃知者希

潛夫論就自愛惜會有知我傳來茲

我來都門得二士董生

水 答

磊落君多聞董生萬里適

甌越君也饑餓留燕雲登車不落為著作笑君何意窮
皇墳被褐懷玉莫太息他年定可張吾軍

送洪昉思由大梁之武康

澤腹堅凍冰峨峨舳舻銜尾填漕河北風吹雪如鸛鵝
急裝結束虺驢馱欲向夷門訪朱亥便從燕市辭荆軻
三年京國何所見日中攘攘肩相摩呶訾啞時所愛

骯髒詎免常人訶亦知負賤世看醜恥以勁柏隨蓬科
我衰於世百無用僦屋深閉如蠹螺蒼苔被階寒雀啄
汝何愛此頻來過耳語侶鄙程不識騎危解笑公叔痊
吳興清遠我夢到水精宮在琉璃波防風古國更幽絕
餘不溪水清逶迤山歌處處採茶薜漁舟往往穿菱荷
西陵潮信近咫尺方言百里無差謫勸君卜築豈無意
貞曜故宅留山阿結鄰尚友亦不惡溪山况足供婆娑
名高身隱恐難得丈夫三十非蹉跎朝廷正須雅頌手

待汝清廟賡猗那

蘇門三賢詩

張于度

蘇門孫徵君曰于度為鹿伯順高弟從予五十年未嘗
或離左魏之難履虎尾涉春冰烈士之名滿天下卒歸
老蘇門高蹈遠隱志士不忘溝壑其庶幾乎于度名果
中容城人葬夏峰北原

明運昔中圯奄豎奸大位衣冠虛南牙政柄歸北寺誰

實鈞黨魁獄獄左與魏一朝檻車徵牢戶事陰祕傷哉
史弼言茶甘乃如薺容城有布衣發憤亡鯁避要鎖理
太尉舉幡訟司隸貫械渤海生赤憤夏門吏桑海四十
年往事如夢寐骨歸蘇門山名在顧厨次

理寒石

本李姓也名崧和西華人恥與逆闖同姓改曰理孫徵
君與西華左令書稱為魯連後一人

魯連蹈東海其志恥帝秦龔生天天年詎知有美新陶

公懷晉室聊存頭上巾嗟哉均均流乃愧青巖甄西華

理寒石為儒甘賤貧奉母蓬藿中歸潔恐辱身梟鏡

破鏡

與鏡同

交蹄跡神州日沉淪靈氛上天呼號竟無因感

激變姓名下士良苦辛何人傳節義誦言聊一申

餓夫

彭姓字了凡蠡縣人遭闖亂棄諸生客饒陽為鄉塾師
已而從孫徵君於蘇門或授之粟不受竟坐死嘯臺之
旁徵君題曰餓夫墓

黔敖呼餓人不受嗟來食使之當大事必讓千乘國靈
輒餓翳桑倒戟一何力簞食不忘報竟脫宮甲逼蘇門
有餓夫風節夙所植生餓蘇門下死葬蘇門側嘯臺高
峨峨百泉流湜湜清風一相映水石起寒色遐哉首陽
薇千古長太息

送陳子文赴安邑丞四首

我愛田子方同時段干木高義動諸侯清風激頽俗聞
鍾知左高佳言足三復下車或式閭寧浼踞堂辱斯人

邈已遠餘韻留鄉曲賢哉魏成子千秋擅遐躅

峨峨中條山迢迢涑川汜人物表西河流風至今美陳
侯東海來高文一何綺閭闔籥浮雲負絕致千里自抱
萬古心五斗馬足恥滹沱冰上渡故關雪中啟懷古多
遠情到官正春水目送中條雲松風滌雙耳

騏驥服鹽車躑躅上虞坂山石何磽聲日暮途且遠道
逢紵衣惠未敢悲晚晚仰首奮長鳴市日思一展譬彼
軼世士遭時未離蹇君過虞坂上懷古向陵緬古之賢

達人澄懷善舒卷

森森沅湘流香草日以蘭鬱鬱徂徠松百尺凌歲寒君
子重結交貞固期不刊解中二十載閱世如波瀾苑枯
既以移素心良獨難喬木隱窮巷饑禽噪簷間君借辛
齋叟時時造門端告我媯汭行能不傷肺肝保此金石
心在遠義亦安不見蕭長倩錄錄曾抱關

藝圃雜詠十二首

為萊陽姜學在賦

南村

豈知城市間村路忽超遠
曖曖桑柘陰晨光散雞犬應
有素心人空林共偃蹇

鶴柴

長身兩君子宛與孤松映
三疊素琴張一聲遠山靜
嘹唳月明時風泉雜清聽

紅鵝館

疏館籠鵝羣素羽臨秋水
濯濯映鳧翁沿流亂芳芷
乞寫茴香花共入丹青裏

金定巴力
卷三
乳魚亭

幽人知魚樂為復知魚計
策策與堂堂宛有江湖意
時逐落花來更向空明逝

香草居

湘君遺遠時汀洲
拳杜若菲菲來襲予
脈脈情相託常恐鷓鴣鳴
芳香坐搖落

朝爽臺

崇臺面吳山
山色喜無恙
朝爽與夕霏
氤氲非一狀
想

見拄笏時心在飛鳥上

浴鷗池

海鷗戲春岸時下池塘浴何樂從君遊忘機自馴熟不用駭爰居朝朝泛寒綠

度香橋

陂塘何逶迤飛虹鏡中起但聞功德香都不辨花水鼻受心已著遂契無言旨

響月廊

金史四八二卷三
脩廊非一曲窈窕隨清樾掃地坐焚香心跡兩幽絕
籜風蕭蕭無人見明月

垂雲峯

具區三萬頃奇峯七十二割取一片雲虎牙自孤銳
颯然山雨來咫尺流雲氣

六松軒

髯翁閱千歲纔如熟羊胛不逐桃李妍何妨雪霜壓
可望不可狎愛此李鱗甲

繡佛閣

樓閣衆香中日夕供調御仙梵遠蕭條隨風不知處更有迦陵鳥聲來貝多樹

古詩答金穀似

西山紛鈎綿具區遠泓凜巖洞既殊麗草木滋鮮榮靈威古夫人素書發其英千載多秀民游札高令名昔聞夫子賢乃自長洲生鈍翁五經何紛綸七畧亦縱橫提攜吳純鈎落筆千天精相思二十年無由達中誠都門

競錐刃車馮如踐更不解作高髻誰與為目成昨者枉
佳贈其言明且清賦詩備三類餘音散鯨鏗顧慙實不
腆欲報無瑤瓊自非羊盼流詎曰知醜明矧子少而颺
執手安敢輕

來詩有云倘無飲器言堂下失醜茂

悉索固所願毋為笑荒

儻

同施愚山陳藹公集山史昊天寺寓觀唐子華水

仙圖

先生舊隱三峰椒太乙玉女時招邀秦都漢峙一蟻蛭

目翫易象窮昏朝蒲車應詔謝賓客城西古寺風蕭蕭
殘碑老樹氣象古涼衫重戴風神超八騶喧闐不到此
兩三素侶還相要殘冬氣暖似吳越佛香入院鐘魚飄
徐出一軸自拂拭古光黯澹生鮫綃青峯出沒高歷歷
海天萬里迴春潮仙人綽約駕雲氣飛龍決起橫烟霄
六銖衣輕逐風舉熒熒顏色如陵苔四座咨嗟歎奇絕
倏乘六氣遊空寥予春一去伯牙逝海波汨沒秦人橋
君歸西嶽望東海齊烟九點非迢遙

題喬子靜桃花流水圖

青山白雲外合沓無終始小艇漾溪流幽興何窮已夾
岸桃花林連綿復相似落英正繽紛芳草亦鮮美茗椀
置船頭簞箸掛船尾不愁風水逆去住皆可喜儻遇避
秦人或逢鬼谷子鸞嘯一迢然沙禽忽驚起

同楊爾茂富磐伯兩宗伯李湘北閣學張素存宮
庶信初侍御遊摩訶菴二首

西院枕迴溪青山滿高閣祇園天氣佳苔砌餘紅藥鳥

如迦陵響梵是魚山作微雨忽來過紛紛幾花落

東院更幽絕蒼苔引深處脩篁蔽簾櫳風聲在高樹况

惚思舊遊繾綣未能去誰賦洞庭詩清如杼山句

東院壁間

有僧題詩云圖畫當年愛洞庭波心七十二峯青而今高卧思前事添得盧師倚石屏

顏修來吏部寄孔廟碑十二種

生近聖人居未得拜祠墓頗聞魯諸生講禮以時聚故
宅間金絲猶傳壁書處漢祖祠太牢過魯暖餘慕六經
出秦火諸儒明訓故歷代遞相嬗碑版屹森布龜龍或

醫缺蛟螭無錯互顏生陋巷喬學古鄙章句餘事攻六
書韋蔡競先鶩金薤遠見投聊持伴魚素論世慨桓靈
末造紛黨錮元嘉永壽
建寧三碑尤愛梁鵠書筆勢颯軒翥貢墨
與匱紙推拓亦殆庶明牕秋日晴水沉午方炷彷彿闕
里遊低徊不能去

午食得鱸

蜃螯鴈醢百不愛縷鱸愛斫松江鱸年來絕有步兵興
江船難致途且紆今朝忽訝食指動四腮登饌加蒲菹

京師最重灤河鯽侯鯖下箸矜膚腴貴人不識鱸膾味
儘輸蓑笠垂竿徒吾鄉魯陂亦產此鱸豸稍別方言殊
齊人呼釋名爾雅未及錄會資好事箋蟲魚廿年仕宦
鱸曰豸去鄉里走避舊隱如逃逋昌歎形鹽享備物何如鄉味
炊雕胡他年歸卧錦湖岸日拋蓂桴臨清渠

夜月冰修子湘耦長見過同儻宛陵體三首

舉頭新月佳開軒滅明燭流螢稍開闔風露下踈竹素
心二三子比鄰往來熟漢陰無主賓何用加情屋

袞袞九衢間未少噉名客老懶倦逢迎誰當較尋尺高
齋時卧病河漢忽已夕綠蘚被階生幽人見行跡

聽君談劍術四座輒色變青天走風雨虛堂激雷電香

丸合雌雄太乙經百鍊勿快睚眦讐應侯吾所賤

冰修
談劍

術甚
奇

愚山侍講送敬亭茶

敬亭雲木好香茗叢幽巖鴉山舊擅名晚出思并兼茶
人競春霽歷險如鼓僂新火細蒸焙青筠勞封緘先生

住山時採摘心所收封題寄千里知我殊酸鹹年來同
直廬思歸夢巖嵌白毛劇臯盧強飲口已箝何當候蟬
眼颼颼響風簾故山昨有寄水驛馳江帆開籠亟分我
芳香透重隘鞞紋隱感縮鞞臆垂廉襜磴成玉雪霏持
作梁肉砭渴羌老解事未敢加薑鹽

戲題兩髯行後贈陳其年邵子湘

楚王宴章華乃以長鬣相彼鬣有何好霸國用自壯平
生交兩髯子思不相讓絕倫陳魁梧軼羣邵跌宕昨見

兩髯行蹶然忽神主士龍能笑不吾髯幸無恙

送姜西溟歸慈谿

春風滋百卉不榮孤柏根白日迴陰崖霜雪慘不溫
丈夫重知己烈士輕感恩姜生起句餘水擊南溟鯤商歌
一畝宮名動

萬乘尊孤高取衆忌當路誰攀援季布揖曹丘感激由片言何
況貧賤士風颺阻重閭枚朔善骹骹莊徐擅高論連尻結股腳詞
賦若雲屯君獨銜恤歸秋風刈叢萱虎鼠竟何常揮手聲暗吞

得陳子文書兼知吳天章消息

雁聲初墮地黃葉已盈除
秋雨蕭條夕忽枉故人書
故人復何在中條白雲裏
昔別霜霰零昨日秋風起
曾聞

隴頭水驅馬度關山
烽烟照駱谷征戍何時還

書中云
有度隴

之黃雀縱橫飛孤鶴正乘羽
祭竈請比隣停車共騶語

歲月易永久離羣難處心
為問朝歌令相思深不深

寄青浦丞李青立

麟趾異凡蹄鳳毛異凡羽
君為南陽孫豁達類其祖
請

從復辟論即事感今古神龍奮幽蟄天星落如雨倉皇
奪門功造次成肺腑輿僂珥貂蟬政柄歸奄豎陳請濫
恩澤帶刀依負斧晉文定王室請隧不見許吁嗟彼何
人憑藉亂狐鼠爰立當危疑踪跡等羈旅當時武功伯
脣齒終齟齬公實仗忠信艱晚成心膂嗚呼三楊後伯
仲見伊呂天地鬱風雲將相如龍虎愛君清門後克秉
高曾矩低眉百寮底手版趨公府青袍映春草遠向春
申浦婦有林下風樂事笑眉嫵

青立娶於彭為禹
峯方伯女有詩名

詩寄

雁南飛因風墮洲渚

寄牧仲贛州

虔州界閩湘蘭蕙賤於草復有寶珠香玉雪映清曉江
城微雨過炎瘴淨如掃高齋開八牕豁達涼風早方牀
黃琉璃卧起日杲杲清芬惱魂夢仙膚愛綦縞嶺外陸
郎花未敢鬪娟好幾歲客京國冠蓋苦紛擾朱門多林
塘無由聽啼鳥今年八境臺雙江入登眺閒註詩楚騷
多識不為少遙憶書到時贛石風嫋嫋

精華錄卷三

欽定四庫全書

精華錄卷四

刑部尚書王士禎撰

古體詩

其年檢討見和綠雪之作復遺芥茶一器索賦

敬亭如靜女婉孌有餘態洞山如道流吐納成沆瀣陽
羨連故鄣尻睢相負戴地靈草木異雲霧凝靉黶尤重
羅幘名超軼絕流輩山氣夕陽佳

芥中茶夕陽勝朝陽

風露非灌

既昨賦綠雪詩鹵莽乏清裁名流遞廢唱榮若珠百琲
髯也實致師拔戟成一隊白甄題紅籤細君自蒸焙朝
來肯送似秀色染眉黛下簾候魚目芳瓷露蟾背雖復
遭水厄頗亦澆壘塊茶聲正琤琤竹影交瑣碎詩成遣
長鬚聊作三舍退君當賈餘勇吾衰鼓已再

送邵子湘之登州

我聞大九州香海環其外裨海內絡之萬川勢交滙禹
貢周職方中央浮芥蒂鄒衍不可作疇與辨茫昧昔者

始皇帝東巡極海岱海神駕橋梁大魚射澎湃號為秦
東門刻石表胸界三山在水下其事頗奇恠邵生列仙
儒遠遊信所屆遙飛阜鄉鳥往撫天吳背龍躋陵丹崖
九點烟凝黛蘄絕日主祠負與之杲對日月影動搖島
嶼光破碎朝潮激天輪夕汐裂地肺巨鯨若連山奮鬣
雲晝晦時見新羅船墨點空青內廣乘渺何所歸墟誰
負戴木張悉文雄髯才更十倍歸來迷滄溟始信九州

大

讀馮圃芝餘事集因題天章還山詩卷

木脫石氣青吟君古調詩落日高鳥去碧空澹涼颼一
吟扣一絃一吟傾一卮嘈嘈立部伎孑孑寡女絲巧笑
倚市門漆室聲苦悲猿鳴上峽夜雁警團沙時遙憶中
條山雲物秋正奇吳生家山南拾橡恒苦饑朝吟看雲
出暮吟逐雲歸河聲與嶽色中有太古詞誰為昭與龔

獨有馮生知

天章在燕市得古銅章文曰河聲嶽色所居正河嶽之間也

和田綸霞郎中移居

田郎詩格如雪車昨來新句傳移家夢向漪亭坐秋水
蒼筤萬个眠麋履冬官事少踞壁卧日未卓午先放衙
殘書滿前自穿穴紛如雁字風中斜未要沈范相賞識
風亭月觀吟梅花廬如瓜牛足搖膝畢逋愛伴城頭鴉
鷲鳥累百詎比數蹠踣聊試終參搥牽蘿補屋絕代子
慎莫無匹悲媯媯

風氏園老松

城南風氏園徑僻無車馬野色暮蒼然徘徊古松下松

金史四
卷四
花自開落松籟何蕭灑落日望烟歸時逢負苓者

徐健菴宮贊送金陵伊氏扇

舊京扇貴李昭骨二百年來名滅沒近來後出仰與伊
細研剡藤如芴滑骨取湘江斑竹枝黃楊烏角光參差
妙手須煩畫蟬雀名流底許矜蒲葵蘋末微風散高柳
八尺琉璃當戶牖持贈難忘東冶亭題詩遠媿東陽守

盆魚

井泉初汲寒射鮒萍衢界水花紛敷草堂咫尺見濠濮

碧羅扇底紅鱗魚丹砂璫瑁非一狀亦有玉雪瑩冰壺
中庭兩樹正交蔭日夕蟬鳥相鳴呼朱門定無此輩客
但聞擊鼓吹笙竽匡牀視景移枕簟風來蘋末看跳珠
夜涼月白河漢轉起聽煦沫疑江湖托身幸得遠鯨鯢
一一尾鬣乘清虛出入苻蒸絕斷滄笑渠殘鱠矜王餘
誰為惠施解吾樂牀頭尚有蒙莊書

東丹王射鹿圖

人馬勢逸不可當開圖素練生風霜奇哉落筆如挽強

誰其作者東丹王東樓西樓二千里乘秋出獵凌窮荒
番部紅靴鐵兩襠左射右射必疊雙鑿蹄騎馬如風檣
三花翦鬚紛怒張俊鶻初變為正鶴蒼鷹塌翅隨馬韁
雄狐狡兔皆遁藏射麋麗龜走且僵東丹昔日稱人皇
扶餘開國鄰扶桑秋冬射獵海東磧頭鷺燕罷傳醴漿
跨海南歸大梁苑時時夢憶穹廬鄉往往丹青自遊戲
寸縑尺素如琳琅宣和壓架六千軸東丹九幅千金裝
良岳灰飛玉匣散此圖豈不闕興亡蠟炬如椽照空廊

雄談劇飲累百觴東丹丹青遠擅場蹊田奪牛語堂堂
令人千載悲同光

李渭清檢討以龍鬚二莖見贈來書云有風鬟霧鬢之態非火鬣朱鱗比也戲報長句

阿誰拔此蒼龍鬚白如珂雪光驪珠風鬟霧鬢憶髣髴
汜人愁態瀟湘妹鮫室織絲冰萬縷博山龍涎午方鬻
龍皮之扇驅殘暑紫拂龍髯勝揮塵夢入瀟湘洞庭渚
貝闕金堂見龍女樂奏還宮迎貴主錢唐破陣交風雨

覺來一笑望秋空
依舊癡龍卧相語

劉子端舍人惠琴魚

琴溪水泱泱
鯉魚三尺長
琴高騎鯉
撒波去
至今溪水
桃花香
桃花香時
臨上巳
琴魚忽徧
琴溪水半寸
難求
鱗與鬣
况從丙乙
分腸尾
由來風俗
當園蔬
水鄉風味
無時無
居然遠
致同茶
筍不用
門生議
蟹鮓故
人家傍
琴溪渡
渡口桃
花幾千
樹花時
魚美酒
正熟好
共琴溪
結茆住

送彭古晉二首

玉露塗蘭階，明河耿遙夕。昨別宛陵人，

耦長

復送華亭

客渺渺，九峰青茫茫。五湖白秋風，佳景時菰葦。正堪摘

故園隱，君子夙抗嘉遯跡。吳

六益沈友聖

既邱園，董生

蒼水

亦

山澤問訊，今何如。予懷在三益。

聞君遊蓬池，訪阮公嘯臺臺。上多悲風臺，下生蒿萊淥。水揚洪波東逝不復迴，南有三亭岡寒蕪。望崔嵬，一言奪相印，應侯亦奇才。當其置廁時，何異諸與儔。君行大

梁道覽古紛徘徊，照實至慎。眡終禍胎，且呼竹林人，吸醪盡餘盃。

瞿山畫松歌寄梅淵公

誰能畫龍兼畫松，鱗而爪鬣行虛空。誰能畫松如畫石，石骨犖确松蒙茸。韋巒董羽兩奇絕，眼中突兀瞿山翁。瞿山翁所居，乃在柏枧深山中。此山上與黃山通，軒轅鼎成上天去，遺薪往往成虬龍。翁時散髻坐顛頂，興酣潑墨浮空濛。孤根裂石不三尺，倒飲萬丈疑雄虹。瞰臨

崢嶸下無地盤拏雲霧迴長風世人少見多所恠絕技
豈必昭羣龍兩峰對起何龍從瀑流直下當其衝輓雷
噴雪不知數下與松勢相撞春撫松看瀑者誰子得非
偃佺之屬青羊公何時與翁結廬天都雲海東松肪煮
罷方兩瞳更千萬世無終窮

葬圖為牧仲郎中賦

何人畫此四尺葬目光暘睽生寒毛重鉏繫頸氣何驚
望之非儉非歇驕美髮碧眼手自搽番部君長身帶刀

豪豬作鞞獸錦袍西旅底貢來周郊畫師得非顧與曹
趙盾往事悲夷臯君蔡臣蔡適相遭踏階而走走且號
逆跋絕領搏以鏖彌明鬪死靈輒逃一蔡世變心怱怱
丹青妙手良可褒題詩齷齪非人豪為君一石傾春醪

張茂先宅

當年張壯武此地留空宅平生無髣髴何處尋遺跡流
恨金墉城傷心洛陽陌風流陸浚儀曾容笑鬚帛

賈浪仙墓

遙望大房山蒼蒼但烟霧下有千年墳微茫辨封樹照
夜少魚燈凌寒走狐兔落日青楓林是君獨吟處

王若水古木鳴禽圖為宋子昭郎中作

古木幽篁亂疎擇下有棘枝聚寒雀枝頭顆顆紅珊瑚
石畔菲菲芳杜若一雀振羽如欲飛一雀掉尾矜毛衣
復有兩雀目相矚號作竊丹知是非鷓鴣臨流宛相竝
戢翼回頭復交頸黃陵廟裏花落時啼罷鉤輞照雙影
高堂置酒相徘徊眼中不數濠梁雀天清雪霽北風作

多少蒼鷹欲下來

傅青主徵君寫荷竹見寄奉答兼懷戴楓仲

眼中突見簞簞谷露壓烟啼萬竿竹下有亭亭菡萏花
大似凌波倦膏沐烟墨淋漓元氣足老筆縱橫破邊幅
卧遊真對兩詩翁晉祠流水如碧玉

初拜國子祭酒釋菜太學作

雍雍禮樂地肅肅堂廡深皚皚素雪零鬱鬱青松陰堂
上鐘簏懸壁中絲竹音未學愧承師撫躬實難任文學

盛鄒魯流風感至今
早入矍相圃夙侍緇帷林未能習
禮器遂以玷華簪

聖朝敷文德憬彼胥獻琛
峒堯白虎觀諸儒粲璆琳
議郎悉承制更老多橫襟
低徊宮牆下如聽師襄琴

何處故鄉思二首

北齊房君豹有山池在齊州
自製詩云風淪歷城水月
倚華山樹時人以比康樂
予在京師有故鄉之思因取
其語為詩云爾

何處故鄉思風淪塵城水處處清
瑤流時時白鷗起日暮浣紗人
臨流獨徙倚

何處故鄉思月倚華山樹清輝
河漢外散入平湖去不見謫仙
人空山下風露

繪川書院詩二首為湯荆峴侍講賦

大道滙鄒魯洙泗何洋洋邈矣
二千載伊洛為巨防江漢有遺
民卓為姚許倡至今百泉上源
流深且長暖曖夏峯村鬱鬱通
德鄉湯公起梁宋攝衣早升堂
側聞睢

渙間五色多文章黼黻與華蟲宗廟繪衣裳汝南多先
賢鄒魯實頡頏中原昔戎馬講肆為鞠場起衰賴通人
屹茲數仞牆樂職備中和諸生歌鹿鳴六籍列經緯諸
史成宮商不才忝成均臯比坐傍徨倚席久不講士氣
何由昌愧彼巫醫師糜粟空一囊

先生昔挂冠棲遲樂巖谷睽彼二三子望古企高躅透
迤清川上構此數椽屋三年侍承明夢想在林麓大道
不終晦天中盛者宿輟轅有耿介上蔡有張沐著書各

滿家衆流，滙川瀆。耿公實廉吏，齋廚甘杞菊。張公赴徵車，萬里向巴蜀。冥冥子規啼，蠶叢凍雲木。何日成德鄰，絃誦譬家塾。予亦步屨來，歲晚共餽粥。

題徐電發檢討畫蟹

仄行與外骨，并入考工記。何如紈扇上，善寫招潮勢。草泥擁郭索，兩鉗亦何利。便欲左手持，未勞門下議。

湘水行送良輔宰零陵

陽朔二水湘，與瀘源同派。別分條支湘，水東來入南楚。

曲抱衡山經九疑九疑之山蒼梧野斑斑淚竹英皇祠
零陵郡古枕湘水瀟江曲折來赴之自古騷人憔悴地
九歌哀怨留其詞亦有元和舊司馬八愚感激傳歌詩
其文往往擬山海坐使荒徼增傀奇子今年少去為吏
况有詩筆人所知黃溪山水勝鄠杜何必慨歎窮荒為
此去浯溪止百里磨崖洗剔中興碑元公作頌魯公筆
長與日月相昭垂經術緣飾固良可勿隨流俗矜繭絲
衣租食稅盡赤子誰云南人鬼且襪捕蛇有說更三復

軍輸尚急西南陞

贈許生

我來太學已八月長日坐卧石鼓旁松風灑然送蟬語
一庭碧草生新涼嗟哉趨趨不可辨如箝在口誰能詳
安得邀君坐東序共窮史籀賡宣王

送湯荆峴侍講使浙江

我愛西子湖夙昔夢見之湖光與山綠樂事輸吳兒譬
客談江瑤未免思朶頤聞君往東南起舞掀兩眉綠蒲

十幅帆西風美滿吹初下南徐州三山已麗崎行行過
震澤萬頃青玻璃夜航到臨安高枕殊未知新笋晚花
過橘綠橙黃時湖水雄鴨頭綠淨相差老掩映湖上山
影娥照清池錢塘八月潮詭異天下奇疾雷震百里蛟
龍競躩踞潮頭坐靈胥重水汨後隨三千彀強弩射潮
勝雄師至今擊西陵鐵幢高以危醜酒臨樟亭江海為
東馳壯觀今古無寄之於聲詩歌送潞河船郵籤催畫
旗

吳江顧樵水寫予平山舊詩摘星樓閣浮雲裏一
傍危欄望楚江之句為圖相寄雨中偶成一

詩奉答兼寄茂倫定九

哦詩三十年往往在人口旗亭與樂府流傳亦時有江
淮好事多圖畫煩好手詎敢擬右丞家風映先後廿載
走京塵頗已忘敝帚君復為此圖毋乃太駢拇平山高
矗矗楚江清瀏瀏雁齒紅欄橋鵝黃水楊柳風景故依
然問是淮南否俛仰慨今昔少壯成皓首他時鱸鄉亭

相過索盃酒息壤猶在彼寄語雪灘叟

遂安毛貞女詩

新安水清泚水清石見底黃河水瀾瀾一石五斗泥水
清復水濁女心空自知三日為君婦未識君容儀一月
侍君疾不聞君履綦秋風響庭樹夜夜哀羈雌高樓切
浮雲直下忽若遺昭昭白日光奄與黃泉期手斲女貞
木絃以寡女絲彈作處女吟千載有餘悲

十一月十八日紀事

招搖方指子七日後長至五星如連珠貞符協天瑞誅
蕩天門開日射觚稜次公卿儼行列百寮咸備位雲中
露布下琅琅動天地十月日在未軍府秉諮議雷動傳
滇城十萬連步騎貝子坐武帳諸道師總萃將軍拜袂
社偏裨怒裂背搜穴翦狐鼠然犀照魑魅天上舞鈎梯
地中鳴鼓吹不遑濡馬褐况敢執象燧膽落鐘詎聞約
長髮競繫半年築長圍屏息門晝閉樵採路久絕啖食
到殘鼯鼯技悔已窮蟻援復何冀孺子一七殊偽相五

刑備自然天助順豈曰吾得歲昆明水清冷金馬山屬
顛妖氛一朝洗磨崖勒文字釐圭命名虎乘軒寵郤意
六詔歌且舞給復置官吏皇哉

聖人德涵育及動植手提三尺劍削平諸僭偽何以研曰仁
何以淬曰義所以八年中次第芟醜類師行不驛騷民居
不憔悴自茲萬斯年橐弓兵不試敢告載筆臣著之大事記

戴氏鼎

為楓
仲作

昔在京師賦方鼎年少筆力回千鈞焦山鼎圖歲在巳

江海起立魚龍奔邇來衰謝二分載雖有意氣無由振
戴氏此鼎何處得勢如恠獸獐以蹲平頭負戴到蓬戶
四座動色誰敢捫雲雷盤旋間饕餮斑斑古色疑周秦
凹中尾鬣狀天馬緣尻鼯鼠拱且馴或云子午紀年月
或如癸甲兼庚申或云乾上艮在下天山為遯理則均
著馬履鼠古所訓義云陰屈而陽伸制器尚象有深戒
寡聞眇見徒紛紜大巧坐令倖斲指流俗豈辨飼與饋
丹楓閣中盡奇古此鼎屹立何雄尊市邱鼎齟任嘲笑

烹雞何以羞明神不煩更問柳下季歷千萬世存吾真

順治己亥在京師為少傅劉公賦方鼎康熙乙巳與西樵先生在焦山賦古鼎程邃穆倩為圖

多父敦

亦戴氏物

昨日賦罷天馬鼎今日復示古敦牟山川連日發光怪
黃白下覆雲油油此敦形製奇且古兩耳三足窮雕鏤
上作饗饗下垂尤細辨非蓋非彛舟古人一物殫工巧
用盛黍稷神所羞珠槃玉敦載盟府云以軟血親諸侯
流傳千載歷塵劫卻伴高士山之幽昭餘自昔稱晉藪

侯甲水作青瑤流丹楓孤閣踞其上朝霞暮靄臨牕浮
先生靜坐觀衆妙圖書萬卷皆親讐此鼎此敦置左右
蒼然古色來商周庭列九賓發緹幕令我一見生歎慙
長安市兒寶康鈿金敦玉敦知何求什襲歸去閉高閣
會有光氣騰龍蚪

敦音對

摩崖碑

有客新自湘江歸登堂示我浯溪碑芒寒色正三百字
忠義之氣何淋漓白日行天破幽曠走避罔兩潛神變

憶昔天寶初喪亂漁陽突騎如飈馳二十四郡少義士
平原太守獨誓師平生不識顏真卿乃能一木支傾危
清河年少氣慷慨十歲作質平盧兒中興大業起靈武
功成不死神扶持道州刺史昔漫叟振筆大放瓊琚詞
請公磨崖書絕壁鐫鏡千仞青雲梯蠻烟瘴雨不剝蝕
萬古照曜天南陲昨者劇賊亂滇海盜據衡永為根基
太平祭告徧羣望山川一洗無磷緇宜有雄詞繼前代
磨崖重刻浯溪湄

元祐黨籍碑

天津橋上啼杜鵑耕父已見清泠淵宮中堯舜不可作
厚陵社飯悲年年二惇二蔡秉國軸同文館獄紛鈎連
衣冠相望走嶺表一網盡矣嗟羣賢司空手籍元祐黨

京自署司空尚書右
僕射兼門下侍郎

大書深刻相磨鐫彗星下掃文德

殿毀碑夜半何喧闐攸攸拂拂一兒戲可惜宋社成南
遷潭州死骨尚有臭黨人名字光中天西南荒徼八桂
郡此碑千載人爭傳上云垂戒萬萬世其詞何異誅共

驩從來青蠅亂白黑三代遺直今如弦小人勿用易所
戒崇寧債轍無忘旃

秋杪獨遊善果寺感懷亡友葉文敏公

秋懷愴無豫古寺聊經行喬木何蒼然歸鳥時一鳴雨
久林葉積人稀秋草生帛公吾夙好敷坐依南榮壁間

龍鸞書歲久猶崢嶸

壁上存

世祖皇帝御書唐詩洞房昨夜春風起一首

昔遊偕故人共對寒泉清俛仰遂成昔存沒倏自驚西
景薄悲谷素魄無常盈世界真一漚何物為冠纓徘徊

日云夕駕言返東城

古蹟三首為岳給事賦

同年岳鎮九給事初知封邱縣頗以古循吏之治治其民以唐高常侍嘗為縣尉祀典闕焉乃剏為專祠又春秋黃池戰國青陵臺在縣境皆碑其處數百年廢墜之典釐然修舉予嘉其事因為賦之

高常侍祠

忠公拓落人好談王霸略一辭孟諸野微官此棲託把

臂李杜遊慷慨吹臺作懷古薦溪毛風期緬猶昨

黃池

餘皇既已徙姑蘇亦已焚黃池尚爭長茶火矜三軍肥
胡名不可見四野空寒雲大河隔濤江至今悲伍員

青陵臺

東郭一曠望尚見青陵臺臺邊兩梓樹古冢何崔魏下
有鴛鴦宿上有烏鵲哀遐哉一女子大義終不虧

雨過陳默公滌峯

躡屐歷危岑，單椒上空曲。
江雨從東來，風吟萬竿竹。
城郭浩茫茫，衣裳盡寒綠。
何處是龍眠，千峯出雲族。

十八灘三首

繫舟萬安城，已聞灘聲惡。
連峰造天關，疾雷殷地絡。
篙師理戩楫，直與驚湍薄。
萬山立積鐵，其下臨大壑。
沉沉蛟龍宮，神物信所託。
排空紛恠石，森然奮搏攫。
潛虬動鱗甲，巨刃揚鐔鏑。
地根在何處，坐覺坤軸弱。
悵然念神禹，封泥此疏鑿。
長年聚羣力，撇漩出寥廓。
三復垂堂言。

遠遊亦何樂

亂飈吹急雨一折改奔峭連山亘東南瘴霧迷嶺嶠榜
人侵曉發高卧失臨眺輒雷起何處萬夫迭呼嘯倏忽
數灘過到眼一票姚武朔既崖紫崑崙絕排冪始蹈呂
梁險終成昆吾譟四山方出雲吐納亦殊妙山木蓊然
合冥冥子規叫

半日過五灘灘灘各殊狀怒流一噴薄石角迷背向激
瀑散霜雪倒洒石壁上漩渦走風霆喧飗裂層嶂洶如

自
卷四
本四
奔萬馬崩騰不相讓又如閻闔開搜搜羽林仗傷神既
慘澹快意倏悲壯出坎在須臾布帆幸無恙探奇邁靈
閱豪吟洗惆悵

韶石

昔聞韶石奇今覩韶石狀奇峰削凡體斗絕各雄長恠
石走中流牙角怒相向峽迫春湍豪撞舂力頗抗雙闕
屹東西毬門始誰初其旁有阿閣靈鳳昔來貺傳聞帝
南巡九成奏崖嶂后變不可作疇與辨真妄飄搖翠龍

駕髣髴鉤陳仗西望蒼梧雲臨風獨惆悵

彈子磯

神禹刊九山百粵所不詳蠻夷暨流蔡遺跡益荒唐此
磯始何代峻極蟠穹蒼下臨萬丈潭蛟螭多伏藏黑鷹
巢其巔下瞰時飛颺石壁不可梯錯雜五文章鑄鏡復
穿漏鬼工肆皴皴想當開鑿時巨刃摩天揚安得挾仙
靈白日凌飛梁

觀音巖

粵山無寸膚斯巖益屢屨其下蟠水府其上排雲霓洞
穴豁天半十丈臨江涯騎危躡虛空險絕緣鈎梯白日
忽晝晦疑逢魍與魑金獸佩腰間火鈴前後隨蝙蝠如
白鴟鍾乳皆倒垂暮崖掩洞門狡獪神所為暗瀑響陰
壑尋丈安可知灑落深潭中如弩齊發機佛座雲霧生
濛濛沾人衣遠江上明月欄杆拂參旗歸舟意愴怳絕
景誰能追

峽山飛來寺

方舟宿湏陽高峽厭蒙密乘風指飛來喜近調御室蒼
蒼菩提樹逶迤寺門出金碧閱蕭梁幻語恐非實禹陽
二帝子何年此栖息言采阮俞竹遙應黃鐘律如何遂
不還空有湖城憶東上緣崎危詰曲昧蹊術夾磴荔奴
陰青蔥上初日石壁留孤雲飛亭俯江色沉沉晴川綠
活活流泉疾敷坐憺忘歸逍遙問摩詰

半山亭

雲碓水自舂松門風為關

坡公題峽
山寺句

夙愛老坡語幾載

思禹山何意萬里遊
兩腳墮屣顏苔碣不可見
定水猶潺湲
宴坐半山亭
下見凝碧灣
榕根如獐龍
怒攫青崖間
日午竹雞啼
濃綠排烟鬢
我行窮祝融
何時復來還

南海神祠

茫茫百粵間
衆水歸扶胥
下滙波羅江
日夜相灌輸
嵯峨兩虎門
衛此陽侯居
神宮壓滄溟
潮汐在階除
我駕萬斛舟
乘風但斯須
飛廉送旌麾
龍伯為前驅
百靈何蜿蜒
穹龜與長魚
將命肅牲醴
來格神所愉
振衣浴日

亭遙見三足鳥咫尺躡樊桐覽彼天帝都

光孝寺燕集

寺舊名虞苑
虞功曹故宅

一鳥鳴灌木招提春雨餘偶來方外遊踪跡似閒居清
池浮水薤碧滌躍文魚輕颺散訶林葵樹交扶疎灼灼
佛桑花紅豔驚珊瑚緬追昔賢跡俯仰懷赤烏孝廉自
英雄江左盛文儒魯周闔外寄張顧府中趨如何虞仲
翔獨此悲向隅青蠅為弔客千載同歎歎

菩提壇

一花五葉後此樹留孤根枝條編震旦老幹無冬春我
來漲海遊入此甘露門秦松與漢栢瑣細皆兒孫清池
愴疎雨妙義聞風播菩提本無樹更與智者論

偽漢劉龔冢歌

紇干山雀凍欲死朱五經兒作天子紛紛負販皆侯王
山牛兔絲粵中起中原瀕洞久風塵遂使傭奴竊邊鄙
黃屋左纛歷四世坐斥洛州為刺史昭陽溝水流真珠
論車卻笑燒沉水金銀當日錮三泉帶劍上陵嗟已矣

昔將肖像擬休屠金蠶玉魚誰料理茂陵甲帳出人間
况爾區區安足齒驪山地市竟如何銀海茫茫同一軌

羚羊峽

逆流入西江已闔高峽中何年神羊跡靈輿開鴻濛灘
江挾牂牁日夜來向東怒流會端州奔湊朝祝融萬仞
束洪濤大哉造化功龍從雲雷窟黯澹蛟鼉宮更聞溪
中石價與瑤琨同當年貢天家千指勞人工鼈行九地
底下與水府通微軀一不戒崩墜誰能窮尤物古所歎

念此心忡忡

羚山寺

古寺四月中尚有木棉花殷紅照羚羊苔壁何紛葩下
有東江亭俯臨硯洲沙牂牁萬里來遠勢如脩蛇高峽
扼其衝天險逾褒斜寺當兩峽口石徑交嶮岬紅泉尚
分飛竹筧通坳窪西望端州城七星莽周遮明當陟其

巔舉手塞匏瓜

沈佺期羚羊山寺賦云
中有紅泉分飛碧嶺

七星巖

北斗森魁杓何年化為石散落南斗旁光芒色相射遙
填端州城七峯張幕帝松臺屹中央晻靄仙靈宅天帝
觴百神於茲互主客巖竇鳴鼓鐘石乳亂矛戟往往鳥
獸形奇譎蕩精魄其旁兩洞天谿研幾年闢水聲暗澎
湃時有蜿蜒跡云此龍所宮終古雲霧積沉沉抱珠睡
五嶺慳雨澤吾欲割其耳雨工起鞭策坐使瀝湖盈乘

流掛帆席

時旱甚
瀝湖竭

上屏風巖磴道未及霄闕而返

暮登扶嘯臺欲問含珠徑山月出未高羣峯忽已暝清
露滴生衣孤松偃危磴何處仰霄闕雲中一聲磬

端州別魏昭士因寄和公於廣州

人生如萍蓬飄轉少根蒂况復出處殊合并安可計我
夢翠微峰峒曉在天際幽人侶猿鶴石門掩松桂詎意
萬里遊相見炎海裔世事苦怱怱傾蓋忽分袂我攀庾
嶺松君飽珠江荔阿戎共扁舟崧臺暫流憇良會那能
常宿昔紛鼓柁洩水方南下灘江復東逝中宿潮不來

何由慰迢遞

重遊飛來寺

我昨遊飛來乃自東峯始得隴復望蜀夢落西峯裏歸
棹粵江潯烟雨孤篷底菩提解迎客一笑呼屐齒繚繞
曲棧危宛與蜀道似數折得石壁萬笏摩空起如尸如
步欄神工信奇詭西巖隱飛瀑迸罅流石髓烏啼悄悄
竹花覆濛濛水平生禽尚志歎息吾衰矣笑問白足僧
胡為羨衣紫

黃石磯夜雨

春枕夢忽破，決溜鳴篷牕。
驚雷碾陰峽，急雨鏃奔瀧。
新涼卧桃笙，遠夢生楓江。
起坐祝媪龍，添波送歸艘。

大廟峽

夜泊黃石磯，急雨如萬弩。
朝過大廟峽，恠石蹲渴虎。
靈祠出叢薄，飛甍粲可數。
美人珥明璫，侍者拾翠羽。
春蘭與秋菊，無絕此終古。
落帆薦溪毛，蘋花媚中渚。
神光乍陰陽，朝雲無處所。
欲去更徘徊，枕榔颯飛雨。

涓陽峽

峭帆入臯石絕壁太古色山川方出雲白日轉昏黑浩
浩一水逝蒼蒼兩崖逼雄雷地中奮坤軸倏傾仄十步

一盤渦下視窈難測云中穴蛟蜃呀呷擇人食牯牛

灘名

尤險絕艱虞萬夫力石棧緣秋毫百丈牽江直慘慘鷓

鴣啼猿猱不逞息尚憶符韶州

名錫

架閣擬巴剎事往逾

百年遺踪半湮泐陵谷一俯仰感歎情何極

與孫豹人周星公往白鹿洞次迴流山

金史卷之八十四
卷四
廬山何高高白雲在山腹倏忽縈山椒亦或帶山足上
下無定姿頃刻屢移矚山徑不逢人樵歌出深谷何處
遞松聲風泉滿林麓

初入五老峯謁白鹿洞呈湯佐平先生

忽忽遠城市浩浩臨滄洲良辰愜奇賞始遂廬山遊
威紆屢轉壑窈窕時經邱潺潺風瀑瀉蒼蒼石川流騎牛
緬往跡眠鹿欽前修風景宛猶昔年運倏已邁惟有五
老峯屹立忘春秋紫芝驚漢帝黃石招留侯泉石不我

遐桂樹生山幽

自白鹿洞至三峽澗

溪行少阡術沿洄屢迷津
馬蹄怯危石欲下還逡巡
出谷見稻畦烟火自成鄰
日午聞雞啼衰徑見遺薪
薜荔衣恠樹山風恐行人
舉首五老峯白雲如魚鱗
遙青遞隱現光景相鮮新
望望玉峽亭聊可垂吾綸

三峽橋

五里間瀑聲轟若車千兩
谿迴見飛梁穹若虹百丈衆

流會三峽峽門扼其吭建瓴沸驚湍排空削層嶂石激
水斯怒水橫去聲石逾壯水石終古爭恠奇紛萬狀日射
金井潭濺沫出橋上日光散青紅雨絲亂飄颻絕景遇
兩蘇何人繼高唱

玉淵潭

已歷三峽橋更訪玉淵水水流大壑中路轉層松裏片
石橫百仞其石平如砥九十九飛瀑一門爭萬軌窄窄
直要衝跳盪不得止雪浪如車輪凸凹忽奔駛激射為

深潭神物潛尺咫
夜黑風雨來鱸鮪皆避徙
久立凜毛髮薄雲漏餘晷
西眺石人峯梵唄空中起

栖賢寺

李渤讀書處乃在栖賢谷
何年作招提來尋愜幽獨
僧舍如蜂房高下傳山麓
雲來漢陽峰時就簷下宿
古寺無所有脩竹間喬木
野衲喜客來欣然設茗粥
便欲置草堂巖栖於此卜

萬杉寺

朝過玉京山緬想陶公里谿迴得寺門曲折杉松裏
雨中念佛鳥交語清入耳風吹脩竹林下有寒泉水

開先瀑布

神龍擘空冥颯沓雙峽開青天露鱗甲白晝行風雷
峽偏不得逞掉尾揚其頰千仞忽開谿下有布水臺嘗聞
龍奮迅三昧何雄哉誰能一鉢盛終古相喧飀夜來雷
雨怒大石為崩摧龍遊引九子烟霧紛徘徊偉矣南宮

書

壁上
有米
元章
大字

破壁鏡崔魏有語不敢吐以俟冠古才

寄題三疊泉

坡公賦廬山選勝僅取二開先與三峽雙瀑誰軒輊此
遊兩經行奇觀偶然遂遺恨三疊泉扶筇未一至譬如
禽慶遊五嶽得其四他年謝羈鞅更擬探靈閔一削陸
羽經別續廬山記

小孤山守風

已過落星石前臨大雷岸水宿淹期程日暮中流半紉
紉戍鼓鳴蕭蕭水禽散愁對小姑祠靈風送波瀾

彭澤雨泊有懷陶公

陶公令彭澤柴桑一舍耳猶對匡廬山共飲西江水一
朝悟昨非扁舟歸粟里笑指故山雲吾心亦如此我來
彭澤縣秋田沒沙嘴急雨送寒潮三歎顏延詠

三山磯

澄江日夕淨歸鳥投前浦明霞散淪漪輕颺愴容與南
臨春穀溪北眺濡須塢何處是三山沙頭駐鳴櫓

采石太白樓觀蕭尺木畫壁歌

落帆向牛渚直上太白樓錦袍烏帽太瀟灑迴看四壁
風颼颼蕭生何年畫此雪色壁峯巒出沒烟嵐稠元氣
淋漓真宰妬江湖瀕洞蛟龍愁吳觀越觀上海日蒼烟
九點橫齊州祝融諸峯配朱鳥瀟湘洞庭放遠遊我眉
雪照巫峽水匡廬瀑下彭湖流須臾使我行萬里瞥如
怒隼凌清秋我生海隅近岱畎西遊曾上瞿唐舟昨登
五老弄瀑布卻臨三峽窺龍湫七十二峯身未到蒼梧
已略天南頭太白遊踪徧四海晚愛青山采石聊淹留

丈夫當為黃鵠舉下視燕雀徒啁啾

奉符古城

我行奉符城不見崑崙迹何處仙人閭青山繞長陌惟
聞党竹溪髣髴南邨宅

徂徠山

雲陰移徂徠影覆汶河水下有賢人居清風被田里一
杯詎能容千秋今廟祀

楊家砦

詰曲皆紅泉縱橫半白石石映月明時泉喧風雨夕愛
此故鄉山臨流布瑤席

甕口峽

岱宗趨肅然

吾鄉長白卽史記所謂禪泰山
下趾東北肅然山亦曰副嶽也

陰齊陽則

魯中有峽谷臺連峯作門戶石壁造天闕蕭蕭綠蘿雨
行經鵲華二山間卽目

山海作經首鵲山招搖之桂生其間麗磨音几之水出其

下祝餘四照花瀾徧今此鵲山勿乃是越人陳迹誰追

攀灤水南來紆且直羅生夾岸蘅蕪蕊隔水正望華不
注疑臨玉鏡窺烟鬢是耶非耶看不定尹邢雙照蛾眉
彎被山瑇瑁不收拾蒸栗黃潤丹砂殷七十二閘遠鈎
帶如綦布子交週環柳花滿樹綠於染杏花點地紅斑
斑始知今日已寒食潑火小雨回天慳濯纓湖亭好烟
景春波澹沲清心顏回首卻望衛河北風沙莽蒼連雄

關

嘯園雜題八首

梭山

云是天孫梭何年化空碧蕭條松桂林
晝靄幽人宅不妨折齒人長茲置巖石

見山亭

張公茂蘭故居正德間進士也
時人語曰天下清官張茂蘭

入門不見日風動千簌蔭孤亭在竹中
猶傳清士居世

無劉伯畊豈慕貂襜褕

張官京師冬無絮衣遺者皆不
受東阿劉田伯畊以衣送之乃

受曰世惟劉伯畊衣可服耳竹
中見左傳海岱清士見世說

長白深處

肅然萬壑深結廬最深處昔睹封禪儀今餘采樵路惟有漢時雲悠悠自來去

猗玕洞

古潭深不測石梁架巖洞中有蟄龍蟠鱗甲欲飛動明玕照清流幽禽時一啜

勘書閣

北齊勘書圖流傳子華作

楊子華有勘書圖

髣髴邢魏流劍珮

文林閣從容四庫間何如百城樂

海燕樓

朱樓玳瑁梁春社紅襟燕年年思故巢
涎涎會相見花動倉琅根美人起常宴

橫翠閣

高閣冠清溪雪浪相迴薄簾捲暮山晴衣
霑空翠落烟暝竹林間歸飛雙白鶴

淨友亭

斑竹已解裊翠莢復如雛虛堂受荷氣疎
簾漾文漪風

標兩公子照影時來窺

米海岳研山歌為朱竹垞翰林賦

許文穆公故物
後歸米文恪公

海嶽研山不可見人間空說研山圖研山之圖亦遭燬
雲烟過眼徒嗟吁宣和良嶽已塵劫矧乃片石輕鎔銖
永嘉流落幾百載昭陵玉匣今亦無詎知神物有呵護
星芒夜隕三天都太平宰相盛文物寶此何啻千璫璣
古藤書屋花未放主人愛客招吾徒眼中突兀忽見此
乍疑几席羅衡巫壺中九華那足擬仇池枉用誇髯蘇

三茅地肺互鈎帶二華雲氣相縈紆蛟龍屈蟠待雷雨
仙靈髣髴迴駟車華蓋一峯獨秀拔宛插玉笏翹犀株
翠巒玉筍左右列睂尻股脚相欹扶上洞下洞閔曲折
潜通小有涵空虛龍池幽窈驗雨候頗疑中有驪龍珠
峯獨者蜀屬者嶧上泉有埒下有瀛座客摩挲三嘆息
蒼然古色生眉鬚海嶽之庵書畫舫幾伴此老浮江湖
巧偷豪奪歷千劫閱盡春秋如螻蛄翰林好事過顛米
日餐蛾綠忘饑飭滄江夜夜虹貫月莫令光怪驚菰蘆

飛仙閣

山行喜乘流江平况如練
窄甍有開闔竹樹一蔥蒨
人言利州風今朝冷然善灘
如塗毒鼓舟劇離弦箭仰眺
飛仙閣鳥道危一線彎環歷
三朝向背窮九面絳雲卷
輕綃白日遞隱見嘉陵碧玉
色晴雨皆婉孌想見吳道
玄應詔大殿此生兩經行天
遣追勝踐醉帽停烏奴

已泊益昌縣

蜀諺云利州風雅州雨

汎嘉陵江至益昌

今昭化縣

懷何易于

益昌古利州由來五達衢白水合嘉陵山谷相盤紆我
有汎舟役萬里經川塗望古懷清芬所思何易于刺史
乘春下畫鷁盛嬉娛前舟載賓客後舟羅笙芋索民為
挽舟牽絳須百夫縣令腰笏前挽舟自先驅刺史驚問
狀縣令乃前趨方春耕且蠶民力方勤勅令適暇無事
可以充卒徒刺史聞之慙上馬如亡逋仁人重一言能
使民力蘇考獻徵樵文撫之載唐書累百守令中尚有
斯人無作詩告有位磬石鏡山隅

題張敦復大宗伯賜金園圖

我昔曾過龍眠山山雪蒼茫歲方晏龍眠山莊知有無
空向圖中幾回見遺墟但指璇源館

在舒城亦
伯時別業

芒屨未

踏垂雲汙祇今彈指閱七載過眼流光等飛龍眠尚
書早致身玉斧森沉侍清燕承恩暫許休沐歸朱提賜
出蓬萊殿鑑湖一曲落公手草木雲嵐荷深眷數問家
金共賓客遺事蘭陵何足羨三年卻返承明廬夢寐家
山寫東絹溪流百曲學印文山色千層累重甌龍公鸞

尾獻烟雨鹿角鼠鬚飽霜霰
嶮呀忽斷漁浦開仰見雲
中寫飛練草堂抱膝還讀書
樂此長年可忘倦此山此
圖世希有終擬他年追勝踐
待公功成歸故山江帆更
乞樵風便

夢遊三山圖歌為尤悔菴太史賦

故人昨有夢夢落滄海東
海中三神山往來倏忽隨
長風上有金銀宮闕互虧蔽
下有雲濤汨沒相撞春蕭灑
古仙人漆園傲吏逍遙翁
歲星不見幾千歲劃然一嘯

驚鴻蒙

鴻蒙澤見郭憲東方先生傳

羲皇上人北牕卧流觀山海須

史中謫仙騎鯨去采石玉局西迈峨眉峯或被天衣駕
烟鴻或乘雲氣騎飛龍西堂八十方兩瞳生不並世道
則同笑指桑田洗毛髓下視六合塵濛濛兜率海山等
游戲夢耶覺耶皆虛空三千里外訊占夢漢廷尚有大

王公

甘泉宮長生瓦歌為林吉人作并寄同人

漢宮一百四十五

三輔黃圖漢畿千里內外宮館一百四十五所

橫絕南山包

九峻未央建章最廣麗渭北更起甘泉宮甘泉之山化

金碧千門萬戶交玲瓏通天臺高屹宮表下瞰雲雨青

濛濛武皇求仙跨滄海射魚牽天東門東

秦始皇紀立石東海上以

為秦東門孫卿已誅五利死飛廉桂館猶龍從上陵磨劍勢


一變雲陽烟草悲秋風甲帳珠簾盡黃土何況片瓦埋

荒叢林生好古極幽蹟短衣匹馬空山中太乙壇邊弔

鈎弋悲歌躑躅斜陽紅此瓦出土事非偶長生古篆疑

神工濯以清泉襲緜錦携歸嶺海光熊熊令弟繪圖亟

示我使我懷古心
忡忡終南渭水舊
遊歷漢家陵闕隨
飛蓬豈知一瓦供
賞識遠與石鼓岐
陽同兄視羽陽或作
弟銅雀織兒慎勿
加磨礮



精華錄卷四